

「聲夢3小花」姚焯菲(Chantel)、鍾柔美(Yumi)及詹天文(Windy)前晚舉行演唱會尾場，傳遭無綫雪藏的炎明熹(Gigi)早前預告會聯騷撐好姊妹，前晚果然兌現承諾，坐足全晚睇騷。3小花受訪時坦言完騷後未知有否時間跟Gigi見面，但強調大家一直有聯絡，友情未變過。

■ 3小花全晚又唱又跳，絕無冷場。

■ 左起：詹天文、鍾柔美與姚焯菲以校服Look上陣，青春逼人。



■ 炎明熹到場欣賞好姊妹演出。

各有各忙 等公司安排「合體」

聲夢3小花開騷 炎明熹找數撐場



姚焯菲、鍾柔美及詹天文於麥花臣場館舉行一連兩場《音樂出沒Let's play together》演唱會，前晚尾場星光熠熠，「聲夢戰友」冼靖峰、林智樂、林訢昇、林君蓮等捧場，傳被無綫雪藏的Gigi亦坐足全晚支持好姊妹，離場時大讚好睇。

約兩小時演出，3小花盡施渾身解數，勁歌熱舞兼演奏樂器。Encore環節，她們唱《給自己的信》時，Windy忍不住感觸落淚，3女更異口同聲感謝入行以來幫過她們的人及粉絲。

3小花完騷後受訪，談到Gigi特意前來捧場，她們表示很感動：「佢仲去咗後台搵我哋，叫我哋

加油，又話好掛住我哋，我哋佢仲笑佢身上有陣香氣，原來佢特登買咗件新衫着住嚟捧場。（點解台上有提佢？）因為rundown好密，所以用『聲夢』統稱。」問到何時與Gigi「合體」？Chantel說：「都係等公司安排，佢應該都忙學業或工作，但我哋私底下有保持聯絡。（完騷同佢聚吓？）希望有時間，不過我哋寒假就快完，仲有個零禮拜就要離開香港。」

Yumi不滿意放榜成績

Yumi透露趁Chantel離港前，希望爭取時間拍新歌MV，Windy則說：「9月我就要同Yumi升大學，我自己都未知會唔會離港繼續升學，亦唔知日後大家會唔會身處唔同嘅地方，今

次我哋3個一齊開到演唱會，仲見埋Gigi，真係好珍惜。」Yumi坦言不滿意放榜成績：「有少少唔開心，呢幾日喺度諗緊條路應該點行。（因為讀唔到自己想讀嘅科目？）可以咁講，我對自己要求好高，依家面前好似好多選擇咁，會再深思熟慮。（想留嚟香港讀書？）係，但要慢慢安排。」Chantel指兩位好友日前放榜，搞到她心情緊張，又指返學便要考試，9月22日18歲生日亦未能返港與粉絲慶祝：「相信下次返香港係12月嘅事。」

■ 林岱縈有意拍港產片。



■ 波波將道具鞋踢到自己頭上。

劉穎璇身形弗到漏。



劉穎璇狂操體能 目標似神奇女俠

劉穎璇(Tiffany)、黃婧靈(波波)、何泳芍等昨日到商場宣傳無綫奧運節目，現場見Tiffany身形比之前更弗，她否認因夏天來臨要派福利，而是稍後要拍新劇，當中不少動作場面，故開始做運動提升體能。問到「最強Body」是否會再現公仔箱？她笑言：「都有機會，視覺同體能上都有要求，有好多打鬥鏡頭。」她表示現時體重維持在122磅，因為要鍛煉肌肉，故不會減太多磅

數，目標似「神奇女俠」的身形。

自誇是「黃金右腳」的波波玩球類遊戲時接連出醜，先被羽毛球擊中面部，之後穿道具鞋踢足球時，更將道具鞋踢到自己頭部，相當搞笑。

林岱縈來港必食菠蘿包

有「笑眼甜心」之稱的台灣啦啦隊女神林岱縈昨日在港連跑兩場見面會，中午先到商場出席泳衣品牌宣傳活動，隨後再到書展跟粉絲見面。問到為何不以水着Look出席泳衣活動？她笑言留待大家看她的寫真集和品牌宣傳照。她透露此行留港3天，為了爭取時間，早上搭第一班飛機來港連走兩個活動，第二日就可以品嚐最愛的菠蘿包，她指如沒吃菠蘿包，就似沒來過香港，最少要吃3個。問到有否興趣拍香港電影？她坦言想，很希望與劉俊謙結片緣。

■ 許靖韻自認畫功是「有限公司」。



許靖韻設計服飾 搵妹妹幫拖

早前許靖韻(Angela)聯乘服裝品牌擔任設計師，設計一系列屬於她的時尚服飾。前日聯乘服裝正式上架，Angela飛到廣州親自落舖宣傳，舖外遍滿粉絲，場面墟口。首次設計時裝，Angela坦言最大困難是畫圖：「我畫功本身係好有限，所以好多想表達嘅嘢都好難，我用我僅餘嘅畫功去展示畀大家睇，再靠大家去想像。」由於畫功是「有限公司」，她表示最後要向妹妹求救：「因為設計呢樣嘢，我覺得係好需要畫得好靚，我搵咗細妹幫手。」